

# ሚልኪያሴ ማፃኣፖ ዓይያ ካር

የኦሲ ማሊያ ኬኤዜ ሚልኪያሴ ማፃኣፖ ፃኣፒንቴሢ ኪሪሰቶሴ ሸይንጎንዳሢኮ ቤርታ ደንጋሳ ጂኤቶ ሌዖና ዬፋሳላሜይዳ ጌኤዡ ማኣራ ገንሣ ማዢንቴሢኮ ገንፃኣኬ። የኦሲ ማሊያ ኬኤዜ ሚልኪያሴ ደዲሺ ላታሢ ቄኤሶ ማዔያታቴያ ዴራ የኦሲና ዋላ ጫኣቄ ጫኣቄሞ ገንሣ ዓካሳንዳያ ኮይሳሢኬ፤ የኦሲኮ ዴራ ናንጋ ናንጎና ማዔቴያ ካኣሸካ ካኣዡና ሼኔ ጌዔ ጎይሢ ናንጋያና ፑርቴያ ማዔሢ ዔርቴያኬ፤ ዬያ ሌሊቱሞንቴ ቄኤሶንታ ዴርንታ ኮይሳያ ማዔ የኦሲሞ ዒንጎ ዒንጊያሞ ሸኢሹሞሞ ሃሺ ዔያቶሞ ዒንጊንቴ ዳሞቦ ጎይያ ናንጎ ሃሺሢና የኦሲ ዔያታ ጌሻኒ ማሌኔ። ዬያር የኦሲ ጎይያ ፔኤኮ ገኢጊሻኒና ዔያቶና ዋላ ጫኣቄ ጫኣቄሞ ዒላቴ ኬኤዛኒ ፔኤኮ ኪኢቶ ዓሢ ቤርታሲ ዳኬሰካፓ ዴር ዋጋኒና ጌኤሻኒ ሙካንዳኔ።

## ማፃኣፔላ ዲማ ዲማ ዓርቄ ባኮ

- ናንጊና ናንጋ ጎዳ ዒሰራዔኤሌ ዴር ናሽካ ናሹሞ (1:1-5)
- የኦሲ ቄኤሶ ዋጋንዳያ ማዒያ (1:6—2:9)
- የኦሲና ዋላ ጫኣቆና ጫኣቄማ ሃሺንቴሢ (2:10-17)
- ናንጊና ናንጋ ጎዳኮ ሙኮ (3:1-5)
- የኦሲ ጌሻኒ ኮይሱሞኣያ ማዒያ (3:6-15)
- ጉሙርቄንታ ዓሶሞ ቦንቺ ዒንጎንዶ ባኮንታ ፑርቶ ዓሳኣ ዋጊንጎንዳሢ ዛላ (3:16—4:6)

1 ናንጊና ናንጋ ጎዳ ፔ ማሊያ ኬኤዜ ሚልኪያሴ ዛሎና ዒሰራዔኤሌ ዴርሞ ኬኤዜ ዒዛ ማሊያ ቃኣላ ያዲኬ።

### ናንጊና ናንጋ ጎዳ ዒሰራዔኤሌ ናሽካ ናሹሞ

2 ናንጊና ናንጋ ጎዳ ፔኤኮ ዴር «ታ ዒንሢ ናሽኬኔ» ጋዓኔ። ዒንሢ ጋዓንቴ «ዋያይዲ ኔ ኑና ናሽኬይ?» ጋዓኔ።

ናንጊና ናንጋ ጎዳ ማሃዮ፡- «ዔኤሳሞና ያይቆኦቤና ዋሊኮ ጌርሲንሢኬ፤ ታኣኒ ያይቆኦቤ ናሽኬኔ፤

3 ዓጮሳዎ ጋዓንቲ ታኣኒ ዒጻኔ፤ ዓጮሳዎኮ ገሜራዳ ዓጮ ዓሲ ናንጉዎ ዳውሌ ታኣኒ ማህኔ፤ ሳዔሎዎ ወኡካ ኮኦሚ ሺራ ቤሲ ታኣኒ ማህኔ» ገዒኔ።

4 ዓድደሜ ዓሳ ገይንታ ዓጮሳዎ ዜርፉ፡- «ካታማ ኦኡኮ ሻሃንቲኔ፤ ጋዓንቲ ማህ ኦኡኒ ማዠንዳኔ» ገዒቲ ቢያ ባኮ ዎይህ ጎዳ ሂዚ ጋዓኔ፡- «ዔያታ ማዠንዳኔ፤ ታኣኒ ጋዓንቲ ዬያ ሻሃንዳኔ፤ ዓሲ ቢያ ዬኖ ዓጮሎ <ፑርታ ሳዓ> ዒኡካ ናንጋ ዓሳዎ <ናንገና ናንጋ ጎዳ ጫሽኬ ዳሬ> ገይ ዓኡላንዳኔ።»

5 ዒንሢ ዬያ ቢያ ዒንሢ ዓኣፒና ዛገ፡- «ናንገና ናንጋ ጎዳ ዒሰራዔኤሌ ዓጮይዳ ሌሊቱዎንቲ ሜሌ ዓጮይዳኣ ዴኤፒኬ!» ጋዓንዳኔ።

**ናንገና ናንጋ ጎዳ ቁኤሶ ዞሪ ጎሬሢ**

6 ቢያ ባኮ ዎይህ ጎዳ ቁኤሶም ሂዚ ጋዓኔ፡- «ናይ ፔኤኮ ዓድ፡ ዓይሌ ፔኤኮ ጎዳ ቦቦንቻኔ፤ ዓካሪ፡ ታኣኒ ዒንሢኮ ዓድ ማዓያታቲ ዓይጎር ዒንሢ ታና ቦንቹዎይ? ታ ዒንሢኮ ጎዳ ማዔያታቲ ዓይጋ ዒንሢ ታና ዒጊጩዎይ? ዒንሢ ታኣኮ ሱንፆ ቶኦቹኔ፤ ጋዓንቲ ዒንሢ፡- <ሱንፆ ኔኤኮ ኦ ቶኦቹሢ ዎይቲዳይ?> ገይ ያኦጫኔ።

7 ዒኡቲ ሙኡዚ ታኣም ዒንጎ ባኮ ዒንጎ ቤዛ ሸኢሸ፡- «ኔኤም ዒንጎ ባኮ ዒንጎ ቤዛ ዎይቲ ኦ ዒኡሴይ?» ገይ ዒንሢ ያኦጫኔ፤ ዒንሢ ዬያ ዒኡሴሢ ታኣኮ ሙፆ ሙዎ ጋባዳ ቶኦቹንቲያኬ ጋዓሢርኬ።

8 ዒንሢ ዓኣፒ ባይቁያ፡ ሃርገንቲያና ዎቦ ማዔ ቆልሞ ታኣም ዒንጎ ዒንጊሢ ማህ ሸኢሸ፡ ዳቢንቲ ማዴያ ዒንሢም ማሉዎዳዳ? ዬያጉዴ ቆልሞ ዒንሢኮ ሱኡጋሢም ዒንጎ ባኣዚ ማህ ዒንሢ ዒንገቲ ዎዛና ዒንሢጋ ዓከ፡ ዒዚ ዒንሢ ጋላታንዳያ ዒንሢም ማላ?» ጋዓኔ ቢያ ባኮ ዎይህ ጎዳ።

9 ዒንሢ ቁኤሳ! ዬያ ቢያ ማዲጋፓ ናንገና ናንጋ ጎዳ ኮሺ ባኣዚ ዒንሢም ማዶም ሸኢቃዛ፡ ሸኢጲፆ ዒንሢኮ ዒዚ ዔካንዳያ ማላ? ዬያኮዎ ዳቢንታ ዒንሢዳኬ ጋዓኔ ቢያ ባኮ ዎይህ ጎዳሢ።

10 ቢያ ባኮ ዎይህ ጎዳ፡- «ታኣም ዒንጎ ባኮ ዒንጎ ቤዛይዳ ማዒባኣ ታሚ ዒንሢ ዓኡሢዎይዳፓ ገኤዠ ማኣርኮ ካር ዎዳ ዓሲ ዒንሢዳፓ ፔቲ ጴዴቲ ዓይጎ! ዒንሢና ታኣኒ ዎዛዲዎኣያ ማዔሢር ዒንሢ ታኣም ዒንጋ ዒንጊፆ ታኣኒ ዔካዓኬ፤

1:3 ሮሜ 9:13። 1:5 ዓሲ. 34:5-17፤ 63:1-6፤ ዓር. 49:7-22፤ ሂዚ. 25:12-14፤ 35:1-15፤ ዓሞ. 1:11-12፤ ዓብዲ. 1-14። 1:8 ላሚ. ዎማ 15:21።

11 ሃአዛጉዋቱ፤ ዓጮ ደራ ቢያ ካራፓ ካሮ ሄለንዳኣና ታና ቦንቻኔ፤ ዋኖ ቤዛ ማዓቲያ ታአም ዑንጃ ጩቢሺ ጩቢሺ ዒንጎ ዒንገሢ ጌኤሺ ዔያታ ታአም ሺኢሻኔ፤ ዓሲ ቢያ ቦንቻያ ታና ቦንቻኔ።

12 ዒንሢ ጋዓንቱ፡- ሩንገና ሩንጋ ጎዳም ዒንጎ ባኮ ዒንጎ ቤዛ ዒኢቲያኮ። ሙዓኣ ቶኦቲንቲያኮ። ጌይ ጌይ ዒንሢ ሰሃኔ።

13 ሃሃ ዒንሢ ዓማሊ ሚኢጪ ሚኢጪ ሃይ ቢያ ዋዚ ዒሃ ባኣዚዳይ!። ጋዓኔ። ዉኡቂ ዔኮናያ፣ ዋቦ፤ ገንሃ ሃሃ ሃርገንቲ ቆልሞ ዒንጎ ዒንገሢ ማሂ ዒንሢ ሺኢሻኔ፤ ታኣኒ ዬያ ዒንሢኮ ዔካያ ዒንሢም ማላ?

14 ታኣኒ ዴኤፒ ካኣቲኬ፤ ሱንፃ ታኣኮ ዴር ቤርታ ቦንቻንቲያ ማዔሢሮ ማራቶ ባኣኮይዳ ዓዴ ማራይ ዓኣንቲ ዒዚ ሩኣቤ ሩኣቦም ቦሃሳ ባኣዚ ዓኣ ማራይ ታአም ዒንጎ ዒንገሢ ማሂ ሺኢሻሢ ጋዳንቁንቲያ ማዖም!።» ጋዓኔ፤ ቢያ ባኮ ዋይሃ ጎዳሢ።

## 2

1 ቢያ ባኮ ዋይሃ ጎዳ ቄኤሶም ሂዚ ጋዓኔ፡- «ዒንሢ ሃይ ቄኤሳ! ሃይ ዓይሢፃ ዒንሢምኮ።።

2 ዒንሢ ዋይዘ ዒፃቲ፣ ሱንፃዋ ታኣኮ ቦንቻኒ ታኣኮ ቃኣሎ ዒሩይዳ ዒንሢ ዓርቂባኣቲ ታ ዒንሢ ጋዳንቃንዳኔ፤ ዓንጃ ዒንሢሲ ጫሺ ማሂ ታኣኒ ሺርሻንዳኔ፤ ታና ቦንቻኒ ዒሩ ዒንሢኮ ኮዑዋያ ማዔሢሮ ጎኔና ዬያ ቢያ ታኣኒ ዒንሢዳ ማዳንዳኔ።

3 ዒንሢ ማዴ ባኮሮ ሩኣቶይዳ ታ ዒንሢኮ ሜቶ ዓጋንዳኔ፤ ታአም ዒንጎ ዒንገሪ ማሂ ዔኪ ዒንሢ ሙካ ቆልሞኮ ሜኤኮ፣ ታኣኒ ዒንሢኮ ቤርታ ላኣሊ ዒንሢ ታ ዳውሲሳንዳኔ፤ ታ ቤርታፓ ታ ዒንሢ ሺኢሻንዳኔ።

4 ሌዊና ዒዛኮ ዜርፆና ዋላ ታኣኒ ጫኣቂ ጫኣቂማ ደዲ ሩንጋንዳጉዲ ሃያ ዓይሢፃ ታ ዒንሢም ዳኬያ ማዔሢ ዒንሢ ዔራንዳኔ።

5 «ታኣኒ ዔያቶም ጫኣቂ ጫኣቂማ ሩንገንታ ኮሹሞዋ ዒንጋ ጫኣቂሞኬ፤ ዬያጉዲ ታና ዒንሢ ቦንቻንዳያ ኮይሳኔ፤ ዔያታ ታና ዒጊጪ ሱንፃዋ ታኣኮ ቦንቻ ሩንጌኔ።።

6 ዔያታ ዓሶ ጎኡሞ ዔርዜኔ፤ ዳንጎይዳፓ ዔያቶኮ ሉኡዙሞ ኬሰኪባኣሴ፤ ታኣና ዋላ ኮሹሞና፣ ሃሃ ፒዙሞና ዔያታ ሃንቲኔ፤ ዔያታ ዔርዛ ዔርዚፆና ሚርጌሢ ዳቢንቲፓ ማሄኔ።።

7 ቁኔሳ ሲያ ባኮ ወይህ ጎዳሂኮ ከኢታ ዓሲ ማዕረግ፤ ዳራኣ ዒዛይዳፓ ዔራቶ ኮዓሂር ቁኔሳኮ ዳንጋ ዔራቶና ገሰታያ ማዓኒ ኮይሳኔ።

8 ዒንሂ ጋዓንቴ ጎይፃፓ ከሰኪ ዒንሂ ዔርዚፃና ሚርጌሂ ዲቁሴኔ፤ ለዊና ዋላ ታኣኒ ጫኣቄ ጫኣቄሞዋ ዒንሂ ሻሄኔ።

9 ታኣኮ ዳሞቦ ካፒ ማዶ ሃሺሂና ዋጌ ዛላይዳ ዓሲ ዲማሲ ዒንሂ ማዳሂር ታኣኒያ ዳር ሲያሂኮ ቤርቶይዳ ዒንሂ ቶኦቲንቲ ዳውሲንታንዳጉዲ ማሃንዳኔ።»

**ዳራ ጾኦሲም ጉሙርቁንቱዋ ማዕረግ**

10 ኑና ሲያሂኮ ፔቲ ዓዴ ዓኣያቱዋዓዳ? ኑና ማገፍሂያ ፔቲ ጾኦሲቱዋዓዳ? ሂዳፖ ኑኡኮ ቤርታኣ ዓዳንሂ ጫኣቄ ጫኣቄሞ ኑኡኒ ሻሂ ዋለም ጉሙርቁንቱዋያ ዎይቲ ማዓይ?

11 ዪሁዳ ዳራ ናንጊና ናንጋ ጎዳም ጉሙርቁንቱዋያ ማዕኔ፤ ዒሰራዔኤሌና ዪሩሳላሜናይዳ ሻኣካያ ማዕ ቁፃ ባኣዚ ዔያታ ማዕኔ፤ ዪይ ያዲ ማዕሂ ሜሌ ጾኦዞ ካኣሽካያ ማዕ ፃንጎ ላኣሎ ዔኪፃና ናንጊና ናንጋ ጎዳናሽካ ጌኤዞ ማኣር ዪሁዳ ዒኢሴሂርኬ።

12 ዪያ ማዳ ዓሂ ሲያ ባኮ ወይህ ጎዳም ዒንጎ ዒንጊሂ ሸኢሸያ ማዕያታቲያ ናንጊና ናንጋ ያይቆኦ ማኣር ባኣካፓ ዒዛ ባባይዞንጎ።

13 ሜሌ ዒንሂ ማዳ ባካ፡- ናንጊና ናንጋ ጎዳ ዒንሂ ዒንጋ ባኮ ዔኩዋኣሂር ናንጊና ናንጋ ጎዳም ዒንጎ ባኮ ዒንጎ ቤዞይዳ ዪኤኪ ዓሲሂና ዒንሂ ዪያ ቤዞ ማሰካኔ።

14 «ዒዚ ዓይጎር ኑኡኒ ዒንጋ ዒንጊፃ ዔኩዋይ?» ጌይ ዒንሂ ጾኦኔ፤ ናንጊና ናንጋ ጎዳ ዒንሂ ዒንጋ ባኮ ዔኩዋኣሂ ዒንሂ ዋላ ጫኣቄ ዳጋቶና ዓኣፖ ዋሊ ዒንሂ ዔኬ ማቸንሂም ዒንሂ ጉሙርቁንቱዋያ ማዕሂርኬ፤ ዪያኮ ዒንሂ ባኣካ ናንጊና ናንጋ ጎዳ ማርካኬ።

15 ጾኦሲ ዒንሂንታ ዒንሂኮ ማቸንሂንታ ፔቲ ዑሂና ፔቲ ዓያናና ዓኣያ ማዓንዳጉዲ ማሃባኣዓዳ? ዪይ ዒዛኮ ማሊፃ ዓይጌንዳይ? ዒዛኮ ዳኤፖ ማሊፃ ጾኦሲኮ ዳሬ ማዓ ናይ ዒንሂ ሾዓንዳጉዲ ኮይሂናኬ፤ ዪያር ዒንሂ ፔቲ ፔቲሂ ፔኤኮ ማቸንሂም ጫኣቄ ጫኣቄሞ ሻሁዋጉዲ።

16 «ታኣኒ ዓኒና ማቸናኮ ዓንጃንቶ ዒዒፃኔ፤ ዒንሂዳፓ ፔቲ ዓሲታፖ ዪያጉይ ፑርታ ማዕ ዓንጃሂ ዓንጃንዳጉዲ ታኣኒ ኮዑዋሴ፤ ዪያር ዒንሂኮ ማቸንሂም ጉሙርቁንቱዋያ ማዕ

ዲንሢ ጫኣቁ ጫኣቁሞ ሻሁዋጉዲ ዲንሢና ዔሩዋቴ።» ጋዓኔ፤ ዲሰራዔኤሌ ያኦሲ ማዔ ናንጊና ናንጋ ጎዳሢ።

**ያኦሲኮ ዋጎ ኬላ ዑኬያ ማዲያ**

17 ዲንሢ ጌሰታ ጌኤዞና ቤዞ ቤዞ ጌሰቲ ናንጊና ናንጋ ጎዳ ዲንሢ ሸናሴኔ፤ ዲንሢ ጋዓንቴ፡- «ዓይጎናንዳይ ኑ ዲዛ ሸናሲሴሢ?» ጋዓኔ፤ ዲንሢ ዲዛ ሸናሲሴሢ፡- «ፑርታ ማዳ ዓሲ ቢያ ናንጊና ናንጋ ጎዳ ቤርታ ኮሺ ማዲ ጴዳኔ፤ ናንጊና ናንጋ ጎዳ ዬይ ዎዎዛሳኔ» ጌይ ጌይ፡ ሃሣ ጊንሣ፡- «ፒዜ ዎጌ ዎጋ ያኦሲ ዎካዳይ?» ጌይ ጌይ ያኦጪያናኬ።

**3**

1 ቢያ ባኮ ዎይሣ ጎዳ ሂዚ ጋዓኔ፡- «ታኣኮ ጎይያ ጊኢጊሻንዳጉዲ ታኣኮ ከኢቶ ዓሢ ቤርታሲ ታኣኒ ዳካንዳኔ፤ ዬካፓ ዲንሢ ኮዓ ናንጊና ናንጋ ጎዳ ዔርቲባኣንቴ ጌኤኮ ማኣሪ ሙካንዳኔ፤ ዲንሢ ናሽካ ጫኣቁሞ ዛሎ ከኤዛ ከኢቶ ዓሢ ጎኔና ሙካንዳኔ።»

2 ዒዚ ጋዓንቴ ዓንጊ ጊልፖ ታሚጉዲ፤ ጊንሣ ሃሣ ዓፒላ ማሰኮ ሳኣሙናጉዲ ማዔሢረ ዒዚ ሙካ ከሎና ዶዲ ዔቃኒ ዳንዳዓያና ዒዚ ፔጋዲ ጴዳ ከሎና ዒዛ ቤርታ ዔቃኒ ዳንዳዓይ ያናዳይ?

3 ዒዚ ቢሮ ዓንጎ ሸኤሻሢና ጌኤሺ ኮሻ ዓሲጉዲ ዋጎ ፒዚሳኒ ዴዓንዳኔ፤ ሌዊ ዜርፃኣ ፃሉሞና ያኦሲም ዲንጎ ዲንጊሢ ዲንጋያ ማዓኒ ዳንዳዓንዳያ ሄላንዳኣና ዎርቁና ቢራ ዓንጊናጉዲ ዔያቶ ዒ ጌኤሻንዳኔ።

4 ዪሁዳና ዬሩሳላሜና ዴራ ናንጊና ናንጋ ጎዳም ሺኢሻ ዲንጊያ ሚናኣ ዎዶና ናንጊና ናንጋ ጎዳ ዎዛሳ ጎይያጉይያ ማዓንዳኔ።

5 ቢያ ባኮ ዎይሣ ጎዳ ሂዚ ጋዓኔ፡- «ታኣኒ ዎጌ ዎጋኒ ዲንሢ ባኣኮ ሙካንዳኔ፤ ዒማና ታኣኒ ማርሾ ማርሻ ዓሶ፡ ዞኣዛ ኮኣማ ዓሶ፡ ሉኡዙሞና ማርካዳ ዓሶ፡ ማዶ ማዳ ዓሶም ማዳሢ ዛሎ ዲንጎ ሚኢሾ ጌሺ ዓይሳ ማዳሻ ዓሶ፡ ዜኤሮ ዲንዶንሢንታ ዜኤሮ ናኣቶ ሄርቁ ዎይሣ ዓሶ፤ ጊንሣ ሃሣ ዒዒ ዳውሶና ዓሶም ፒዜ ዎጌ ዎጉዎ ዓሶና ታና ዒጊጩዎ ዓሶ ዑፃ ሩኡሪና ታኣኒ ዎጋንዳኔ።»

**ታጰ ባኣዚፓ ፔቴማ ያኦሲም ዲንጊሢ ዳምቤ**

6 «ታኣኒ ናንጊና ናንጋ ጎዳ ላኣሚንቴዎያኬ፤ ዬያሮ ዲንሢ ያይቆኦኬ ዜርፃ! ሃጊ ዲንሢ ጋፒ ባይቁባኣሴ።

7 ሚና ዲንሢኮ ቤርታኣ ዓዶንሢ ዎዳፓ ዓርቃዎ ታኣኮ ዎጋፓ ዲንሢ ሃኬኔ፤ ካፒያኣ ካፒባኣሴ። ሃንጋ ታ ባንሢ ማዑዋቴ፤ ታኣኒያ

3:1 ማቴ. 11:10፤ ማር. 1:2፤ ሉቃ. 1:76፤ 7:27። 3:2 ዓ.ዲ. 2:11፤ ዮሃ. ያፔዳ 6:17።

ዲንሢ ባንሢ ማዓንዳኔ ጋዓኔ፤ ቢያ ባኮ ዎይሢ ጎዳሢ። ዲንሢ ጋዓንቴ፡- ሐኡኒ ኔ ባንሢ ዎመይዲ ማዎንዳይ? ጋዓኔ።

8 ዓሲ ናንገና ናንጋ ጎዳኮ ባኮ ወኡቃኒ ኮይሳያዳ? ጋዓንቴ ዲንሢ ታ ባኮ ወኡቁኔ፤ ዲንሢ፡- ሐኡኒ ወኡቁሢ ዓይጎዳይ? ጋዓኔ፤ ዲንሢ ታኦኮ ወኡቁሢ ዲንሢኮ ዓኣ ባካፓ ታጳኮ ፔቴማ ዲንጋ ባኮንታ ሜሌ ዲንጎ ባኮዎ ዲንጎ ሃሺያናኬ።

9 ዲንሢ፤ ዴራ ቢያሢ ታ ባኮ ወኡቁሢሮ ዲንሢ ቢያሢ ጋዳንቁንቴያ ማዕኔ።

10 ታኦኮ ጌኤኮ ማኣሮይዳ ሙኡዚ ሚርጋንዳጉዲ ዲንሢኮ ዓኣ ባካፓ ታጳኮ ፔቴማ ዔኪ ዔኪ ኮናይዳ ዎሁዎቴ፤ ዴያ ዲንሢ ማዴያ ማዕቴ ታኣኒ ጫሪንጮኮ ፑልቶ ካሮ ቡሊ ኮሺ ማዕ ዓንጅ ቢያ ሚርገሺ ታ ዲንሢሞ ዲንገባኣቴ ዴያና ታና ዲንሢ ዛገ ዔራኒ ዲንዳዓኔ።

11 ሃኣኮ ዲንሢኮ ኮሴ ፑርቴሱዎጉዲ ታኣኒ ቃዛንዳኔ፤ ዎይናኣ ዲንሢኮ ዓኣፑዎፖ ጉሪ ዓታዓኬ፤

12 ሃካፓ ሴካ ሜሌ ዴራ ቢያ ዲንሢ፡- «ዔያታ ዓንጅንቴ ዓሲኬ» ጋዓንዳኔ።» ዴያ ጌዔሢ ታና ቢያ ባኮ ዎይሢ ጎዳሢኬ።

**ዴሮ ያኦሲ ማኣራንዳያ ማዒያ ኬኤዜ ሃገ ማዓ ዎዛ**

13 ናንገና ናንጋ ጎዳ ሂዚ ጋዓኔ፡- «ዲንሢ ታ ዑፃ ጫርቂ ጌሰታኔ፤ ሃሃ ገንሢ፡- ሐኡኒ ኔ ዑፃይዳ ዓይጎ ፑርታ ባኣዚ ጌሰቴይ?» ጌይ ዲንሢ ያኦጫኔ፤

14 ዲንሢ፡- ናንገና ናንጋ ጎዳሞ ማዲሢ ጉሪኬ፤ ዲዛኮ ዓይሢያ ካፒሢንታ ያያ ዓሲጉዲ ቢያ ባኮ ዎይሢ ጎዳሢ ቤርታ ሃንቴፃ ዓይጎ ኑና ማኣዳይ?

15 ሃሢ ኑ ዛጋ ጎይያታቴ ሃይሾ ፑርቶ ማዳ ዓሳ ዎዛዲ ናንጋኔ፤ ጎኔና ያርጎጪ ናንጋኔ፤ ናንገና ናንጋ ጎዳ ዎይያታቴያ ዛጋኒ ማዳ ዓሳ ዓይጎ ሜታኣ ሂሉዎሴ» ጌይ ጌይ ዲንሢ ጌሰታኔ።»

16 ዴካፓ ናንገና ናንጋ ጎዳ ቦንቻ ዓሳ ዎላ ጌሰቴኔ፤ ዲዚያ ዔያቶ ጌኤዞ ዲናፓ ዎይዜኔ፤ ናንገና ናንጋ ጎዳ ዲጌጫዞንሢና ሱንፃዎ ዲዛኮ ቦንቻዞንሢኮ ሱንፃ ዔያታ ማዴ ባኮ ጳቂሃያ ማዒ ናንጋንዳጉዲ ማፃኣፔይዳ ፃኣፒንቴኔ።

17 ቢያ ባኮ ዎይሢ ጎዳሢ፡- «ዔያታ ታኣሮ ማዓንዳኔ፤ ታኣኒ ማዳ ኬሎና ታ ሚኢሾ ዔያታ ማዓንዳኔ፤ ሾዔ ዓሳ ፔኤሞ ማዳ ዓቲንቆ ናፖ ሚጪንቴ ማኣዳሢጉዲ ታኣኒያ ዔያቶ ማኣዳንዳኔ።

---

3:10 ለዎ. ዓኬ 27:30፤ ፓይ. ማፃ 18:21-24፤ ላሚ. ዎማ 12:6፤ 14:22-29፤ ሄሄ. 13:12።

18 ዬኖ ዋደና ዲሎንታ ጎሞ ዓሶንታ ያኦሲሞ ዓይሢንታ ዓሶንታ ዓይሢንቱዋ ዓሶንታ ባኣካ ዓኣ ዲሙሞ ዒንሢ ለሚ ዛጋንዳኔ።»

# 4

## ናንገና ናንጋ ጎዳኮ ዋጎ ኬሎ

1 ቢያ ባኮ ዋይሢ ጎዳሢ ሂዚ ጋዓኔ፡- «ዎቶርቃ ዓሶንታ ፑርቶ ማዶ ማዶ ዓሶንታ ዲኢሪጉዲ ጌኤካ ታሚና ሙይንታንዳ ዋዴ ሙካኔ፤ ዬይ ሙካ ኬላ ዔያቶኮ ፃጶንታ ካኣፖሞ ዓይሱሞ ቢያ ሙዓንዳኔ።

2 ዒንሢ ታኣኮ ሱንፆ ቦንቻዞንሢም ጋዓንቴ ያሎ ዓቢ ያርቃንዳኔ፤ ዬይ ዳቂንታኣ ዒንሢም ዔኪ ዬዓንዳኔ። ገርባይዳፓ ቶሊ ኬሰኬ ለንጋ ናኣሪጉዲ ዒንሢ ያካንዳኔ።

3 ታኣኒ ዬያ ማዶ ኬሎና ፑርቶ ዓሳ ዒንሢኮ ቶኮ ዴማ ዲቢንሢጉዲ ሄርቂንታንዳኔ።

4 «ዒሰራዔኤሌ ዴራ ቢያ ዓይሢንቲ ናንጋንዳጉዲ ሲኢና ዲኮይዳ ታኣም ማዶሢ፣ ሙሴም ታኣኒ ዒንጌ ዋጎና ዓይሢያና ማሊ ጰቂሡዋቴ።

5 «ዴኤፒ፤ ሃሣ ዒጊቻያ ማዔ ታና፣ ናንገና ናንጋ ጎዳኮ ኬላ ሄላንዳሢኮ ቤርታ ታ ማሊያ ኬኤዛ ዔኤሊያሴ ታኣኒ ዒንሢም ዳካንዳኔ።

6 ታኣኒ ሙኪ ሳዎ ዒንሢኮ ጋደንቁጉዲ ዒዚ ዓደንሢ ዒኖ ናኣቶ ባንሢ፤ ሃሣ ናኣቶ ዒኖም ዓደንሢ ባንሢ ማሃንዳኔ።»

---

4:5 ማቲ. 11:14፤ 17:10-13፤ ማር. 9:11-13፤ ሉቃ. 1:17፤ ዮሃ. 1:21።

**ጌኤዢ ማግኣፖ**  
**The Holy Bible in the Maale language of Ethiopia,**  
**using Ethiopic script**

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

**ጌኤዢ ማግኣፖ**

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

---

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929